

永樂大典

卷二千六百七

永樂大典

卷二六〇七

永樂大典卷之二千六百七

七皆

臺

御史臺二

宋史百官志。御史臺掌糾察官邪。肅正綱紀。大事則廷辯。小事則奏彈。其屬有三院。一曰臺院。侍御史隸焉。二曰殿院。殿中侍御史隸焉。三曰察院。監察御史隸焉。凡祭祀朝會。則率其屬。正百官之班序。咸平四年。以御史二人充左右巡使。分糾不如法者。文官右巡主之。武官左巡主之。分其職。掌糾其違失。常參班簿。祿料假告皆主之。祭祀則兼監祭使。掌受誓戒。致齋。檢視糾劾。又有廊下使。專掌入閣監食。又有監香使。掌國忌行香。二使臨時充。通稱曰五使。元豐正官名。於是使名悉罷。御史大夫宋初不出。正負。止為加官。校檢官帶憲銜。有至檢校御史大夫者。元豐官制行。亦並除去。中丞一人為臺長。舊兼理檢使。凡除中丞而官未至者。皆除右諫議大夫權。熙寧五年。以知雜御史鄧綰為中丞。初除諫議大夫王安石言。欲近制。止以綰為龍圖閣待制。權御史中丞。不違諫議大夫自始。九年鄧綰甫自正言知制誥為中丞。以宰相屬官不可長。憲府於是復遷右諫議

永樂大典卷之二千六百七

大夫權。元豐五年。以承議郎徐禧為知制誥。權中丞。禧言中丞糾彈之任。赴舍人院行詞。疑若未安。會官制行罷。知制誥職乃以本官試中丞。南渡初。除官最多。隆興後。被擢。寔淳熙十年始除。黃洽又三年再除。蔣繼周臺諫例不兼講讀。神宗命呂正獻亦止命時赴講筵。中興兼者三人。万俟卨羅汝楨皆以秦檜意慶元後司諫以上。無不預經筵者矣。侍御史一人掌貳臺政。殿中侍御史二人。掌以儀法。糾百官之失。凡大朝會。及朔望六參。則東西對立。彈其失儀者。監察御史六人。掌分察六曹及百司之事。糾其謬誤。大事則奏劾。小事則舉正。送監祠祭。歲詣三省樞密院。以下輪治。凡六察之事。稽其多寡當否。歲終條具殿最。以詔黜陟百官。應赴臺參謝辭者。以拜跪書札。體驗其老疾。凡事經郡縣監司省曹。不能直者。直牒問門上殿論奏。官卑而入殿中。監察御史者。謂之裏行。治平四年。中丞王陶言奉詔舉臺官。而才行可舉者多以資淺不應格。乃詔舉三丞。以上知縣為裏行。熙寧二年。詔御史闕委中丞奏舉。毋拘官職高下兼權。三年孫覿薦秀州軍事。推官李定對稱旨為太子中允。監察御史裏行。由選人為御史自定始。於是知制誥宋敏求蘇頌李大臨。以足資淺。封還詞頭。不草制。相繼罷去。元豐八年。裁減察官兩員。餘許盡兼言事。紹聖二年。後

元祐元年。詔臺諫官許二人同上殿。又令六曹差除更改事。畫黃到即報臺。又改六察司奏為李奏。四年詔應臺察事已彈舉而稽違踰月者。遇故不得原減。元符二年詔吏部守令課績最優者。關臺考察不實者。重行黜責。崇寧二年。都省申明臺官職在繩愆糾謬。自宰臣至百官。三省至百司。不循法定有罪當劾。皆得糾正。政和六年。詔在京職事官與外任按察官。雖未升朝。並赴臺參謝辭。七年中丞王安石奏。以本臺覺察彈奏事。刊為一書。殿中侍御史以上錄本給付。從之。清康元年。監察御史胡舜陟言。監察御史自唐至本朝。皆論政事。擊官邪。元豐紹聖著于甲令。崇寧大臣欲其便已。遂更成憲。乞令本臺增入監察御史。言事之文。詔依祖宗法。又詔宰執不得薦舉臺諫官。舊臺令御史上下半年分詣三省樞密院。照檢諸房文字。輪詣尚書六曹。按察奉行稽違。付受差失。咸皆彈糾。渡江後稍闕不舉。紹興三年始復其舊。是年十一月。殿中侍御史常同言。元豐始置六察。上自諸部寺監。下至廩庫場務。無不分隸。以詔廢置。而乃有實錄申請。乞不隸臺察者。恐非法意。宜遵舊制。從之。乾道二年。詔自今非曹經兩任縣令。不得除監察御史。慶元二年。侍御史黃黼言。監察御史。高宗時嘗置六員。孝宗時置三員。今分按之。任止二人。乞增置一員。自後常置三員。

永樂大典卷二千三百七

二

檢法一人。掌檢詳法律。主簿一人。掌受事件。勾稽簿書。宋初置推直官二人。專治獄事。凡推直有四。曰臺一推。曰臺二推。曰殿一推。曰殿二推。咸平中。置推勘官十員。元豐官制行。定員分職。裏行推直等官志罷。紹興初。詔檢法主簿。特令殿中侍御史奏辟。紹熙中。侍御史林大中。以論事不合。去所奏辟。檢法官李謙。主簿彭龜年。亦乞同罷。嘉定元年。劉榘除檢法官。范之柔除主簿。以後二職皆闕。乾道併省。吏額前司主管班次二人。正副引贊官二人。入品。知班三人。知班五人。書令史四人。驅使官四人。法司一人。六察書史九人。貼司五人。通引官三人。三京留司御史臺。管勾臺事各一人。舊日判臺。以朝官以上充。掌拜表行香。糾舉違失。今史二人。知班驅使官書史各一人。中興以後不置。中興會要。國朝之制。大夫無正員。止為兼官。中丞除正官外。帶他官。尚書則曰某官兼御史中丞。丞郎則曰御史中丞兼某官。給事諫議。則曰某官權御史中丞事。次有知雜侍御史一員。以尚書省郎中員外充。副中丞判臺事。又有左右巡使。掌朝廷紀綱。分糾違失。及文武常參。班簿祿料假告。凡文官違失。右巡主之。武官違失。左巡主之。舊以臺史巡察。咸平四年始令左右巡使。分其職。又有監察使。掌祠祭受誓戒。致齋。檢視禱糾。左右巡使。監祭之外。又有廊下使。掌入閤。監食香。

使掌國忌行香二使臨時充通謂之五使其推直有四推曰臺一推臺二推殿一推殿二推凡京師外推則左右巡使臺鞠劾及出於外皆推直御史三院闕則他官權充推直官咸平中嘗置推勘官十員後罷又主簿亦專在臺鞠獄兩朝國史志御史臺大夫中丞侍御史知雜事侍御史殿中侍御史監察御史殿中侍御史裏行監察御史裏行主簿大夫國朝未嘗除以中丞為臺長凡中丞無正員則以兩省給諫權自中丞以下掌糾繩內外百官姦惡肅清朝廷紀綱大事則廷辯小事則奏彈以郎中負外使侍御史知雜事為之貳其屬有三院一曰臺院侍御史隸焉二曰殿院殿中侍御史隸焉三曰察院監察御史隸焉凡祭祀朝會則率其屬正百官之班序以御史二人充左右巡使分糾不如法者文官違失右巡主之武官違失左巡主之凡祭祀則兼監察使三院御史四人官卑而入殿中侍御史監察御史者謂之裏行景祐元年置以三丞以上嘗歷知縣人充慶曆三年以兩人為額凡文武常參班簿祿料假告皆巡使分掌又別置推直官二人專治獄事凡推直有四推曰臺一推臺二推殿一推殿二推主簿一人掌受事發辰勾檢稽失兼簿書錢穀之事主事一人令史十六人主推四人書史四人朝堂引贊官一人副引贊官一人知班三人引事

司一人驅使官六人四圍驅使官五人中丞一人秩從三品總判臺事侍御史一人秩從六品殿中侍御史二人秩從七品分糾朝班殿中而上言事監察御史六人秩從七品分領六察隨事糾正及監祭定謚皆屬之檢法官一人秩從八品主簿一人秩從八品檢掌凡刑法錢穀各一人從八品掌凡簿書及架閣文牘前司主管班次三人引贊官兼令史一人副引贊官兼令史一人知班驅使官兼書令史五人驅使官兼書令史五人守闕驅使官五人四推主推各一人書史共三人六察戶察書史四人貼司三人刑察書史二人貼司二人史禮察書史各二人貼司各一人兵工察書史貼司各一人二十六年十二月詔六察貼司共存留六人知雜司法志御史臺大夫從二品中丞從三品侍御史從六品各一人大夫掌肅正朝廷綱紀及以儀法糾治百官之罪失而中丞侍御史為之貳凡其屬有四殿中侍御史二人正七品掌言事分糾大朝會及朔望六參官班序監察御史六人從七品掌以吏戶禮兵刑工之事分京百司而察其謬誤及監祠祭定謚檢法官掌檢詳法律主簿掌鈎考簿書各一人從八品殿中侍御史詣三省樞密院檢察付受稽失其應彈治事聽長貳或言事官論奏

非諫察官司亦如之。應狀牒並參議連書。惟彈章則否。無所開白。凡察事小事則舉正。大事則糾劾。各籍記其多寡。當否。歲終條具。殿最以詔黜陟。大禮儀伏。則中丞為使。中都推鞠命官。或重繫旬以囚。由報臺有詔獄。則言察官輪治。文武官卿監防禦使以下。到闕授任之官。應參謝辭者。引見御史。體驗老疾。則試以拜起書札。凡事經州縣監司寺監省曹不能直者。受其訟馬。蓄以中丞兼理檢使侍御史。兼知雜事。殿中侍御史兼左右巡使。監察御史兼監祭使。及行官制定。自分職。實領其事。而使名悉罷。分案十有一設。吏四十有四。以上續國朝會要。三京留守司。御史臺。西京於分司官內差一員。權闕。或特差官權判。掌南京。止令留守通判權掌。後北京置臺。專差官領。今則三京皆有正官領之。以上國朝會要。兩朝國史志。三京留守司。御史臺。管勾臺事各一人。以朝官以上充。掌拜表行香。糾舉違失。凡史文有令史知班。驅使官書史各一人。以上續國朝會要。真宗咸平六年四月。詔西京留守司。御史臺。置令史。驅使官二人。祇應禁院。管勾兩班。大中祥符七年十一月。詔西京留守司。御史臺。今後行香拜表。不以官班高下。止以知府兼留守為首。先是刑部郎中直昭文館趙相知河南府右諫議大夫陳象與權御史臺事。象與自以官高立班。相上衰老倨慢。本

永樂大典卷二千六百七

四

路轉運司以為言。故有是命。天禧四年四月。以翰林學士承旨兵部侍郎飛迥。進工部尚書集賢院學士。判西京留守司。御史臺。迥累表引年求解。近職故也。他官止云權迥。以三品故云判。仁宗慶曆五年九月。詔置南京留守司。御史臺。七年六月二十一日。詔置北京留守司。御史臺。仍差太常少卿馬絳。管勾。皇祐三年正月十八日。以光祿少卿張子立。權管勾。西京留守司。御史臺公事。至和元年七月二十一日。太子太師致仕杜衍言。臣男許秘書丞通判。應天府。乞候成資日。就差管勾。南京留守司。御史臺公事。詔候今任滿。差權替。年滿闕。行以引年退居。仁宗郵其耆德。特從所請。非常例也。嘉祐六年九月。以龍圖閣直學士尚書工部侍郎李東之。為刑部侍郎。集賢院學士。判西京留守司。御史臺。東之以老自請。從之。以上國朝會要。神宗熙寧二年十二月二十五日。詔令三京留守司。御史臺。添權判或管勾。官一員。仍差大卿監。并職司以上。差遣人須精神不至昏昧。堪任釐務者。充三十箇月。滿替。三京留守司。御史臺。皆有常員。至是增員。以待御監監司之老者。國子監亦增之。及宮觀。仍不限員。以侍知州之老者。三年正月二十六日。詔應乞留守司。御史臺。差遣除兩制以上。臨時取旨外。餘候到闕。體量定差。七月二十七日。詔應三京留守司。御史臺。添支大兩

永樂大典

卷二六〇七

省大卿監及職司資序人。依本人見任官知小郡。知州資序人。依本人見任官通判例。武臣即此類施行。若送郡已上罷任及送郡南班官。元係文資內有功績殊異者。別取旨。四年四月十八日。新知許州瑞明殿學士兼翰林侍讀學士右諫議大夫司馬光權判西京留司御史臺。元豐五年九月十六日。詔應尚書吏部陳乞留臺官。觀國子監人年六十以上兼用執政官恩例者。通不得過三任。崇寧元年七月十一日。中書省言熙寧中。詔臣僚歷監司知州。有衰老不任職者。使食宮觀俸給。自後添支屢經裁減。而諸州供給亦無定例。今以熙豐以來條制。參立三京留司御史臺。國子監。諸州宮觀。撤廟提舉管勾等官。添支例為八等差。七十以下不得過三任。七十以上。曾任侍御史兩任。寺監長官及職司中散大夫以上一任。從之。宋會要太祖開寶七年閏七月。詔除授京官差遣。勾當。熙陵令中書依朝堂官例。降敕御史臺。修寫班簿。每十日一上中書。太宗太平興國九年七月。詔御史臺推勘公事。其當推御史。並須當面推鞠。不得垂簾。只委所司取狀。仍令中丞知雜御史。專切提點。務在公當。不得淹延。如經勘斷後。致人披訴。抑屈。勘鞠不實。本推官吏重寘之法。知雜御史與中丞別取旨。淳化三年二月。詔京朝官除按替移。及丁憂免官。請假身亡。除

永樂大典卷二六〇七

五

朝旨出落班簿外。仍令進奏院書時抄錄報臺。四月詔。今後御史臺所勘公事。徒罪已上。案成後輪差丞郎諫議已上一員。就臺錄問。取伏款文狀。方得結案。以聞。四年二月。詔御史臺追勘外州刑獄舊例。差驅使官。從人齎牒徑往追取。若取受錢物。縱放罪人。漏泄公事。即勘鞠決停。三月四日。詔御史臺勘事。須中丞知雜當面引問。提舉催促。看詳款狀。盡理。方得結案。若無干礙。遂旋跡放。不得淹延。杖蔓。每追到罪人。即躬親問過。令史引於直官前。點檢公身及財物。不得將紙筆文書刀子入獄。直官須輪次承事。直叩。禁人送食。不得用甕器。先於直官前呈過。及出再呈。不得帶文書器令。以致傳達獄情。其推事。須問頭碎款。連穿長款。圓寫。即經中丞知雜看讀。錄問。責伏款狀。方具奏案。其孔目衙直。四推令史。遇勘事。曰。不得出中門。因有病者。勾官醫人看治。省視湯藥。日具增損。由報。夏月。即五日一湯。刷。如。扭。令。罪人沐浴。直官監視。勿令交雜。每囚時。直官押令史點唱錄案。夜問公事。即據房旋開。在臺公人有因緣推勘。乞覓錢物者。許人陳告決停。二十二日。詔今後御史臺所勘公事。係徒罪已下。結成文案。更不差官錄問。只委中丞知雜錄問。無致枉濫。六月一日。詔臺憲之地。朝廷要司。如聞近年。頗紊前制。立朝之士。多闕於恪恭。執憲之臣。務從於

拱然宜中詔有月警諸司當思遵守典章審詳按劾使措紳之內各務恭
 虔圖國之聞不聞免抑共致和平之氣體茲勤恤之懷其御史臺合行故
 事正令條奏以聞應有刑獄公事中丞已下躬親點檢推鞠不得信任所
 司致有冤濫 十九日詔御史臺四推主推四人書吏八人自今於京水京
 西淮南河北西路選差每有滿闕以二月下轉運使指定州府委知州
 通判林選廉幹有行止能書札者以日外神官補主推使州院前行補書
 吏給口券押送赴臺試驗收補 主推四年無遺闕與奉職書吏三年滿
 轉主推更一年亦與奉職如無主推闕即候滿四年與借職若只願守州
 安排者主推與部押衙書吏與比目官 二月詔御史臺不得於兩軍巡
 府司押差曹司 三月詔御史臺執勅公事今所差臺官於軍巡府司
 權抽曹司取勘結案中奏才畢發遣歸本處 五年正月詔在京臣僚有
 過犯差官取勘結案中者不得隨班起居及上殿奏事仍令御史臺具名
 牒閣門 三月詔御史臺應干刑獄機宜候朝旨者即實封通進常程文
 狀止得通封 至道元年四月詔御史臺於三館不得與常百司雷同行
 違 真宗太平八年六月詔應丁憂京朝官所在具名銜及聞哀月日持
 服去志報臺置簿抄上候服闋前預奏候朝旨 十月詔中丞月給錢十

永樂大典卷二千六百七

六

五千知雜十千推直官七千 二月閏三月詔御史臺劾案杖罪已下責
 保在外不得禁留 三年七月詔御史臺糾察常參官進退出入 十月
 詔御史臺添罪已上奏案自今尚書省郎中已上兩省舍人已上從下依
 次牒請錄聞 四年二月詔御史臺差朝官錄聞軍巡院大辟罪人不得
 與本院官相見仍放常朝 三月御史中丞趙昌言言近例臺司多遣人
 吏巡察請依故事令左右巡使分其職有踰越法式者具名以聞從之
 閏十二月詔臣僚勘鞠者除三司臣僚及開封府臨時奏裁外餘並即時
 劄送閣門不令朝參 五年六月詔御史臺勘事不得奏援引聖旨及於
 中書取意 七月詔御史臺於左右金吾二司凡差使公人每司抽三人
 在臺輪直差使月給錢二百以食茶之費 六年二月詔御史臺令
 後推勘公事令中丞知雜躬親按詳必須子細詢問御史臺推直官躬親
 勘鞠仍令知雜與中丞提點勘當其問問被推之人別有申訴欲見中丞
 知雜明理仰引出更切審問不得只憑元狀子須令剖析毋致有抑屈如
 斷違後却有偏曲其本推官或重寘之法中丞知雜別取旨 四月詔御
 史臺定職事四十七人主事一人令史十六人朝堂引贊驅使官十二人
 四圍驅使官五人西臺驅使官一人主推書吏十二人所掌內弊六案百

司侍制兩縣三案仍舊外。新賜職田六品三案不行外。緡三案刑獄免後。二案凡行六品一案不行。雜事五案。禮錢贓罰月中。中支計解。補並見行。四推臺一臺二殿一殿二。並見行。五使右巡左巡。監祭先行。廊下監香。使每入閣。國忌臨時。差六察史察兵察戶察刑察禮察工察及宣教公解二庫。並見行。本臺奏狀。中書丞銜移牒三院書銜除閣門平空外。自餘並不平空。開封府九寺三監。並云牒上臺。臺中中書察院。並云中狀。七月詔。應諸牌印官有改移替免。令御史臺即時牒禮部置簿追納。九月詔。丁憂京朝官。令御史臺畫時抄錄。報銀臺司置簿舉行。其合給官誥。並送御史臺給還。景德二年九月詔。御史臺應差官。就勘公事。董事大小。給限牒報。刑部提舉臺司。常切催促。十二月詔。御史臺所勘罪人。並須依公盡理。即不得言語怕嚇。虛令招罪。違者重寘之法。大中祥符二年九月。詔左右軍巡。凡殺害人命。未獲賊。令開封府列狀上御史臺。專切提舉。勒令追尋。三年三月詔。御史臺公用錢。令三司月給二百五十千。其及贓罰錢。更不令支給。五年八月詔。南省又諸司五品已下官。各具本貫三代。出身歷任。有無遺闕。家狀上御史臺。自今新陞朝銜。謝後。並須準此具家狀。納審官院。逐旋牒送御史臺。編聯收掌。準備非時檢閱。七年五月。

永樂大典卷二千六百七

七

御史知雜王隨言。請以御史臺新降條目。編為儀制。從之。九月。王隨又請命兩制。撰重修御史臺記。從之。二十九日。詔步軍司差判員五人。於御史臺洒掃。不得抽差當直。天禧元年十一月。知雜御史呂夷簡言。臺直所勘公事。自來有同科同年及第者。多授詔文。稱有違礙。望行條約。勿復也。從之。二年十月。右巡使王迎等言。準詔。趙安仁所請。重修定令式。緣諸處文字。悉無倫序。難以編緝。欲望且仍舊。從之。仁宗天聖三年。六月。右巡使張億等言。御史臺推勘公事。可以就本臺差人。更不於開封府抽差。曹司宰臣曰。本臺自有四推人。史公事。至少請如億奏。從之。四年閏五月二日。御史臺言。近年外州。差到四推人。史共十二人。多未請推事。欲下開封府。於使院前行。內揀選。有行止。詣會公事者。六人。充候三年滿日。如無贓罪。節給與御史臺主推。前行與書史。候有關。於開封府。依上項資次。抽取填補。從之。七年九月十一日。御史知雜鞠詠言。故事。三院御史除朝參。非公事。不得出入。并行人事。近年以來。看謁無度。乞後並不許。非時出入。從之。寶元二年四月。中。以御史王素言。又申。開封府。詔。八年六月。詔。御史臺。今後凡有刑獄文字。更不供報。糾察刑獄司。寶元三年正月二十八日。侍御史方偕言。見供職臺官。有男女親家。并五服內。

外親屬許令相看從之。慶曆六年六月詔御史臺凡大辟因將決而獄吏敢飲以毒藥及諸非理預致死者聽人告論賞錢十萬。七年七月五日詔御史臺自今後定奪公事如有人請求行用許人陳告支賞錢二百千從權御史中丞魚周詢所請也。至和二年知諫院范鎮言先朝以御實印紙給事官使以時奏上所以知言者得失而殿最之陛下雖喜聞諫爭然考其施用其實無幾豈大臣因循而多廢格乎請換今御史諫官具員置章奏簿於禁中時時觀省之仍以尚書舊所置簿具其言行否每季錄付史官詔中書置臺諫官言事簿令以時列檢銷注之仍錄與樞密院。嘉祐六年正月十九日詔今後兩制臣僚許知諫官例與臺官相見從權御史中丞王疇之請也。七年正月權御史中丞王疇等言聞糾察在京刑獄司書奏府司左右軍巡皆省府所屬其錄大辟之翻異者請下御史臺竊惟府縣之政各存官司臺局所領自有故事若每因一囚翻罪用御史推初是風憲之職下與府司軍巡共治京獄也恐不可遽行從之。英宗治平元年閏五月詔御史臺開門舊十日一具文武細書班簿以進自今大書為冊月上之。上曰制會史。神宗熙寧元年六月十八日中書門下言御史臺季進班簿所供逐官職任去處並不開說某人見在

任某人見待闕及無明具係堂除堂選審官院差違路分兼多錯誤臺司照檢班簿內審官院依外任官闕到逐官待闕去處諸州進奏院申到外任官到任替罷姓名勾繫外其是在京京朝官勾當差遣去處自來未有指彈多不供中赴臺致無憑勾繫乞下三司開封府大宗正司都水監群牧司三館秘閣尚書都省諸司寺監敕院檢院銓曹官諸院遍令所轄諸司庫務到任替罷勾當京朝官畫時具職位姓名報臺庶得修進班簿齊整從之。二年正月二十三日權監察御史裏行王子韶言朝廷以職事官年七十已上及疾病痠瘥者付御史臺體量可否此宜悉委有司豈可每頃朝廷伏况內外職任頗有事繁務劇之處其不能勝任者豈獨老病至於孱懦庸闇之人是能曠官敗事者也今必待朝廷指彈然後體量則所察者少而所遺者衆恐未足以澄清簪笏也臣竊見得替赴任官並有臺參臺解之制自來只於朝堂與丞雜御史拜揖而已徒襲舊儀殊無義理。欲乞今後臺參解並須詣御史臺本臺每日令御史一人接見詳加詢察遇有老病昏懦之人即白丞雜再同審覈若委實不堪簪笏者並許彈奏從之。二月十二日王子韶又言自來冬年寒食節故見謝辭正衙引對之時亦不曾到臺參解其間頗有避見本臺體量多赴假故冀幸免放

永樂大典

卷二六〇七

有自到闕至出京。並不曾到臺參辭。乞今後除朝庭非沈差遣。及請假依舊外。其得替到闕。及赴任出京。須候臺參辭。况節假自未止三日不入臺。顯不注滯。從之。八月二日。詔三館秘閣。借會要付御史臺。賸錄從所乞也。十一月三日。御史臺言。臺參辭。臣僚自未於朝堂先赴三院。御史幕次。又赴中丞幕次。得以體按老疾之人。今若只於御史廳一員對拜。不惟有失舊儀。兼恐不能公共參驗。乞依舊制。朝堂拜揖。如遇放常朝。即於御史臺從之。元豐二年十月二日。參知政事蔡確言。御史何正臣。黃顏。皆臣任中丞日舉。臣今備位政府。理實為嫌。乞罷正臣。顏御史。於是權御史中丞李定言。臺官雖令官長薦。然皆陛下召對。以為可者。然後命之。取舍在陛下。不在所舉。今欲迴避。不過以為思有所在矣。舍公義而懷私恩。此小人事利者之所為。今選為臺官者。必以其忠信正直。足以備耳目之任。儻以區區之嫌。遂使迴避。則是以事利之小人。侍陛下耳目之官。此尤義理之所不可者也。詔不迴避。十二月六日。詔御史臺重修一司。初。八月。詔內外官司於中書尚書省三司。不以有無統攝。用申狀。唯御史臺於三司移牒。後又詔御史臺。應官司冠尚書字者。用申狀。三年八月三日。詔御史勘公事。權罷本職。不得與在外官吏往還。從中丞黃履奏也。復

永樂大典卷二六〇七

九

言本臺推鞠公事。至有逾年而後畢者。遂為行遣。以致淹久。欲乞自今本臺獨勘。或外官同勘。並令宿直。仍罷本職。不與在外官吏交往。而吏人會直。隨微大小。立以三等為之。給式大者三十日。中者二十日。小者十日。過此雖微畢。亦不給。而官負食。緡亦少裁損。詔尚書省立法。送中書省取旨。七年二月三日。詔外任官乞赴闕奏事。如到闕無所陳其事。不可形於文字者。委御史臺彈奏。十二月一日。詔應臺察事已奏。雖經恩不原。八年九月十九日。尚書省言。朝奉郎。試御史中丞黃履。奏本臺察案檢察官司。稽違。其勾朱架閣簿書。違式之類。係事理輕小者。欲止從本臺。檢官司改正。仍不理。為官吏功過。殿最已依所乞。所有被察官司。除官負依法減等。無罪外。其人吏自合隨事上簿。理為過犯。歲終比較。從之。哲宗元祐元年三月十八日。詔應差除史改事。畫黃錄到六曹。並畫時報御史。後省疎官。按從御史中丞劉摯請也。三年十二月十四日。詔刊神宗皇帝舉御史。詔于御史臺。從滕元發請也。四年。詔遣機文字。不許御史臺取索。此後職官志。四月十八日。詔應臺察案已詳察。後及一月以上。過放降者。其稽違本罪。不得原減。從侍御史盛陶言也。七年七月十一日。殿中侍御史楊畏言。在京刑獄姦弊。近聞府縣中李寶病。瘳身死。而本

臺榭府差官覆驗。乃係拷掠致死。不可不察。其糾察在京刑獄一司。今係臺察專領。欲乞今後若有禁囚死亡。專委御史臺定差。自來合檢驗官。依條檢驗。從之。九月十四日。監察御史楊長言。應吏部銓量官吏職位姓名。請依三省樞密院。奏差除人例。關御史臺。以憑考察。詔今後銓量到人。依條開奏。外仍關吏部置簿籍記。十二月四日。詔應獄犯罪人。歲終委提刑司在京委御史臺。取索姓名罪犯報刑部。數多者中尚書省。紹聖元年七月十一日。詔應御史臺。覓領舊糾察司職事。內銓問公事。令刑部右曹郎官施行。餘並仍舊。從御史劉拯言也。三年正月二十二日。殿中侍御史董敦逸言。伏覩朝旨大理寺。議異公事。徒以上送御史臺者。臣竊詳臺獄與開封府三院事體不同。本臺除承行官吏外。應干公人兵級之類。多是旋差。日有添支食錢。及諸般費用。難以淹久。今乞所鞠之事。易為詰勘者。乞依今來指揮。若根屠官物。或移文他路。未可遽舉者。乞別取旨施行。從之。六月一日。御史中丞黃履監察御史蔡璠言。近詔以大理寺申請。自今御史臺彈察諸司。違法稽滯等。人候朝廷批降大理寺。從本寺牒元舉發處。令責限取索送寺。書斷緣本臺記綱之地。豈可代有司區區應報。請應彈奏諸司。違慢等事。依元聖舊例。止從大理寺取索約法庶

永樂大典卷六百七

官司各安分守。從之。四年九月七日。御史臺言。應非察案人。改入察案門者。乞依入六曹法。從之。元符元年八月五日。刑部言。在京官司。被受朝旨。乞依元聖四月以前指揮。關報御史臺。嚴加考察。如有不實。重行黜責。從吏部守令。課績在優上等。即關御史臺。嚴加考察。如有不實。重行黜責。從吏部之請也。徽宗大觀四年六月二十八日。詔比覺臺諫所上章疏。論列政事。扶情觀望。迎合大臣。公肆奸惡。務快私忿。來問伺隙。枝蔓無窮。且以慶賞已行。而力請進削。臣條放廢。則極意傾擠。罷革政令。損減負額。十去七分。而紛紜不已。搏節用度。省罷營造。殆無虛日。而裁減未止。託是以濟非。指無以為有。遂從究治。而後交章論辯。搗虜人主。殊動群聽。遂致在位在服。各懷畏縮。不安所守。發號施令。下多阻礙。莫知孚信。良由建明失中。摘撫已甚。君弱臣強之漸。不可不革。自今臺諫言事。若涉奸惡。迎合觀望。失當者。國有常刑。必罰無赦。應章疏不可施行。事並將上取旨。政和元年十二月二十一日。詔曰。耳目之寄。臺諫是司。今言者不治。激以激者。則畏避以趨利。或陰交貴勢。顯比近習。職所當糾。縱而弗治。威則俯首。附麗。然則政舌詆訾。以此觀望。而取世資。何所賴焉。朕宵旰圖治。保予以聽言。為難有言責者。宜直道而行。必覈是非。毋俾大夫。毋游蕞習。六年十

月八日臣僚言乞在京職事官與外任按察官雖未至通直郎並赴臺參
辭謝從之。七年七月十四日御史中丞王安中奏陛下躬覽萬機凡大
號令政事皆出親翰而又必詔憲司以之此亦臣僚言也以謂承之之世視無空文臣聞命震恐思所以自効此亦臣僚言也緝尋彙聚粗見本本
契勅本臺政和四年建請修總官制格目成彈奏三卷續有所降付雖未
經編纂亦循舊制應俾奏事並揭于榜初未嘗釐去御筆盡與海行舊條
一時指彈不見少異臣恭覽御筆所調告有以一道德嚴分守者有以隆
道揆明法守者有肅朝儀者有整軍政者有正官制者有抑吏強者有戒
元祐黨人覆出為惡者有戒諸司奏請之有衝改者有戒監司守令不切
遵守御筆者有戒侍從而下非職干預侵越者有戒除橫行落內職資緣
請求者有申救常平散欵玩法為姦者有申救和預買前期給價者有申
救奏錫錢妄傳文移者有申救推賞濫冒不以勞能定等者有申救明堂
推恩輒有攀援者凡此皆大猷顧合與行馬失序等同為一格綱目混清
舊榜昏異沒味本意臣今乞除已備成格目外別將本臺前後所奉御筆
令覺察彈奉事專為一書每殿中侍御史以上即抄錄一本給付仍榜內
釐出御筆揭示其餘條令之首庶幾上可以嚴君父之命下可以儆有司

之守從之。宣和二年十月二十九日臣僚言天下所恃以安者朝廷之
紀綱紀綱所恃以立者臺諫之臣若臺諫有所畏忌受制於人必容姦於
國而紀綱以壞是故人君惜之事權不繫於官長不拘於大臣養其志氣
使不挂於權豪不畏於疆禦雖其人未必皆賢其言未必皆當許以風聞
而貸其不實之愆納以虛懷而開其敢言之路豈徒然哉凡欲以破姦回
之瞻收陵夷之患也方今天下平治朝廷清明然間有擅權扶寵之徒肆
為敗常亂俗之惡蔑視風憲之官不啻奴僕之役若非處以私情終必結
為仇怨恐其攻已則先設隄防以拒其來聞其有言則廣行營教以及其
罪不擗排以今事必中害以它非指切直者為沽名謂披忠者為訕上巧
言令色干計百端是致發意欲彈者改遷抗章讒及者貶竄前者沉滯流
落而不聊其生後者惴恐憂思而深以為戒忠義風采消委殆盡臺臣雖
備位名存而實亡恐非朝廷之福大彈劾之職當急先其大者譬如捕盜
先其渠魁去草蕪在根本今使置其大者而言其小者是猶捨渠魁而攻
疲羸留根本而摘枝葉適以激其怒而滋其萌是豈除惡務本之意乎且
姦人始兆在糾劾而非難其惡已成雖斧鉞而何及故治國者平時宜有
直言預言之士則悠久庶無姦謀指鹿之臣今陛下仁天廣覆智獨旁臨

永樂大典

卷二六〇七

按近者唐恕除監察御史。恕實有行業。士類推許。僕使分領六察。因優為之。然以蔭補入仕。有違祖宗條例。恐此一開。自是榜牒之子。攀援進取者。足相躡於憲府矣。欲乞改除一等差遣。詔以恕為郎官。高宗建炎元年十一月。詔四參日。差知班通作六人。下殿編排班次。舊例二人。政和間添作四人。今以負數倍差。故有是命。三年三月六日。詔臺諫負闕甚多。令侍從官公共薦舉。堪充臺諫官二員。四年七月二十二日。宰執進呈臣僚言乞以所論事行與不行。別下照會。范宗尹曰。凡言官所論朝廷。但當容納。可即行之。不可即已。不必相與較是非也。上以為然。紹興元年五月二十五日。詔應選人投下磨勘官文字。以姓名及到部月日。關報御史臺。置簿籍定。如人吏受賂。及故違條限。仍許御史臺檢舉。送大理寺。依法斷遣。所有京朝官大使臣亦依此。二年六月二十二日。詔臺諫言事官係非時上殿。不合在輪對條具之數。先是有詔。外內侍從省臺職事官等。限半月各述所職利害條具以聞。及應行在通直郎以上。輪對臺諫。申明諫官及本臺言事官。遇有特以利害。並非時上殿教奏。若依自未轉對條例。恐不合在輪對。及條具之數。故有是命。三年正月九日。手詔臺屬憲臣。檢察刑獄。月具所平反過刑獄。以聞。御史臺狀除行在大理寺殿前馬步軍

司。本臺已檢察外。有臨安府并錢塘仁和縣。係浙西路合屬憲司。檢察刑部。檢準臺。合每季詣大理寺。及應有刑獄去處。照檢。既稱應有刑獄去處。其臨安府錢塘仁和縣。亦係刑獄去處。合依上條。每季照檢從之。九月二十五日。侍御史辛炳言。三省無檢都錄事授官。即無不赴臺謝之法。所有今年二月十四日。魏彥衡楊從古俞宗道等。畫降聖旨。不赴臺指揮。竊慮有礙臺令。詔今後轉官人。依條令赴臺謝。十月二十日。詔御史臺。每日體量臺參謝辭官。合用木炭茶湯等。內木炭於左藏庫勸請。茶湯下臨安府支破。四年二月一日。詔南班宗室。今後並赴臺參。以殿中侍御史劾奏。右監門衛大將軍士檣等。二十一員。不赴臺參。拒過飾非故也。五月二十三日。詔今後吏部奏鈔刑部斷案。每鈔奏上省。限次日報御史臺。其間經涉日久。無故留滯。許本臺彈劾。八月二十五日。進呈樞密院。進擬崔慎習王宏差遣。上曰。此是魏紅所薦。論臺臣為朕耳目之官。職在彈擊官邪。若因而薦論人才。竊慮私有好惡。慎習等且依舊可上簿籍記姓名。他日遇有差使。量材選用。宰臣朱勝非等曰。陛下聖德英斷。非臣下所能仰窺。萬一十一月八日。上宣臺諫論事。許風聞。要須審實。至如排擊人才。豈容無好惡。若果務大體。不指摘纖瑕細故。置置人於有過。豈惟

德不淺亦可銷刻薄之風。成忠厚之俗。罪曰聖訓廣大。此言者宜奉以周旋。五年三月十五日。御史臺言。德音根勸前湖州州學教授汪處厚。公事。本臺主推書吏人力不勝。今欲貼差推司三人。書寫人三人。許於本臺察集。并內外官司指差。不以有無官資。並許不拘常制。抽差不許執滯。仍依從來例。帶行見請。給理為在任在司月日候畢。日發歸元處。其錄宿根勘公事。例有雜支錢。欲於左藏庫。每次支錢五十貫。從之。九月十七日。詔大理寺臨安府等處杖以下罪。並令一面斷遣。其右中臺。從本臺檢察。有扶情曲法。需徵等彈劾施行。十二月十三日。詔本臺。稱參用。釐務。不釐務。通直郎以上。望參用。釐務。通直郎以上。赴赴。除宣制。非時慶賀。以望參官。餘並以朔參官赴。六年三月二十四日。石諫議大夫趙甯言。竊見御史臺察。果近有察吏部書令史。隱匿過名。遺補事。既已申之朝廷。付之有司。乃私呼棘寺人吏。事涉容情。致被罪者不伏。以為棘寺有所觀望。朝廷移赴臨安府再勘。而臺吏二人。恣坐持旨。編管臺吏緣此。遂有糾察之嫌。司局緣此。遂有慢易之弊。竄以成風。漸不可長。詔劄與御史臺。十月八日。詔御史臺所受諸政詞訟。如有事理重害。日久不決者。具申尚書省。取索看詳。其監司州縣留滯經時。裁處失當。亦許依法彈奏。從監察御史趙

水滸傳卷之六十七

漢之請也。七年九月二十九日。詔御史臺守關驅使官。令依條陳試。從本臺申明也。八年五月十一日。詔御史臺於六察使。及書吏內。從上選差一人。充點檢文字。九年二月五日。詔御史臺將不赴朝。望在吾最多之人。核實彈奏。六日。奉執進呈。上曰。朕欲用謝祖信為臺官。恐祖信不知朝廷今日事機。卿等可召赴都堂與之議論。臣稽等奏。陳臺諫乃天子耳目。自朝政闕失。所當論列。恐召至朝堂。然後除按外。問不知陛下之意。不能無嫌。上曰。大臣朕股肱。臺諫朕耳目。本是一體。若使臺諫機察大臣。豈朕責任之意耶。臣稽等雖荷上眷。知卒不敢召祖信。但退相勉。某曰。上虛懷待遇如此。其忍負哉。四月。詔御史臺守關驅使官。許招收十人為額。十年閏六月二十日。詔應有刑獄去處。獄其違戾。令御史臺彈劾以聞。十一年四月十七日。詔訊囚非法之具。並行毀棄。尚或違戾。委御史臺彈劾以聞。十二年四月二十一日。詔鞠獄干證等人。行在委御史臺常切檢察。月具有無違戾聞奏。九月十三日。詔禁囚貧乏。無家供送飲食。依法官給委御史臺常切檢察約束。十二月。詔御史臺守關驅使官。上三名。每日支破食錢二百文。餘七人。每日支破錢一百文。十三年四月二十九日。詔今後筵宴等。臣僚戴花過數。令御史臺關門彈奏。閉四月

七日詔四川二廣定差案關令吏部四選逐色關置統簿各二額一納御
文臺一留本郎行下川廣依准起置遇川廣用字號定差差遣以細狀中
部以逐號單狀中御史臺注名於簿從臣僚請也九月二十二日詔將
來郊祀大禮導駕文武官分左右步騎導本臺與閣門編排報引同日詔
大禮前二日朝獻景靈宮前一日朝饗太廟至日園壇行禮導駕文武官
分左右步騎導本臺量差知班於禁衛內往來覺察今後過車駕行幸準
此十月十五日詔將來郊祀大禮應行事官等務在嚴肅如有懈怠不
恭令閣門取旨送御史臺施行十四年正月九日詔每過駕出其前導
後從臣僚各有行列次序令御史臺閣門編排遵守施行十一月五日
詔案察後推書史今後如有願換副尉之人並依六曹寺監人吏法比換
副尉如不願換即依本臺見行出職條法二十五年十二月一日內降詔
曰臺諫風憲之地振舉紀綱糾逆姦邪器資治道年來用人非擇與大臣
為友黨而濟其喜怒甚非耳目之寄朕今親除公正之士以革前弊繼此
者宜盡心過職惟結主知無更合黨締交敗亂成法當謹茲訓毋自貽咎
二日右止言張修請刊聖詔於御史臺諫院從之二十六年十二月二
日御史臺言六察貼司見管一十人今欲減罷四人守闕騎使官舊額一

十人今欲減罷五人主管班次舊額五人今管三人見闕二人引贊官格
法一名副引贊官格法一名知班驅使官兼書令史格法九人今管五人
見闕四人侍次守闕驅使官二十人委是冗併並合減罷從之二十九年
會要紹興三十二年八月二十四日孝宗初任各改元詔御史臺今後
引贊官出職已補授官之人存留充主管班次却將見今主管班次之人
從上一名備出發遣歸部從本臺請也十月十九日右正言周撫言三
省有六房其屬為六部而御史臺有六察蓋所以相為表裏也祖宗之意
正欲御史糾六房六部之稽違者今之六房六部人吏積習玩侮情弊百
出欲望申嚴行下六察官每月糾察所隸官司親加詢究小事具奏大事
隨長貳上殿庶幾察官雖不得言事亦得各舉本職詔令檢舉見行條令
施行孝宗隆興元年三月十二日詔御史臺將察案後推書史自被差
列臺及五年如有願比換之人依案案貼司用抵保條比換從本臺請
也八月三日御史臺狀依指揮條具併省吏額前司主管班次五十為
額見係右從政郎馬彥俊并己年滿合補官人胡世昌二人充今欲並行
減罷發遣歸部所有見闕主管班次三名吏欲裁減一名止以二名為額
書令史日今見闕四人並省減罷自後更不立額驅使官五人已經裁減

永樂大典 卷二六〇七

今乞更不省減。六察書吏一十三人。今併省二人。內成忠郎。六察點檢文字。盧宗邁。成忠郎。史察書吏馬希顏。各見依已降指揮。本臺專法理為資任。欲候逐人任滿解罷。其上件察闕。更不差人。貼司六人。已經裁減。今並乞存留。後推書吏七人。今乞減。書吏李汝楫一名。詔依見在人。且今依舊將來過闕。更不遺補。乾道元年三月十七日。御史臺狀。本臺係掌行糾彈百司。諸違點檢。推勘刑獄。定奪疑難。刑名婚田錢穀。并諸色人詞訴等事務繁重。全藉知次第一人主行。今欲將察案後推書吏。如有願陳乞此換之人。候比換訖。許本臺存留依舊祇應。從之。三年五月十一日。上宣諭曰。昨批韓曉奏狀。知隨州林蕤放罷。如此處置。莫是葉頌。奏曰。臣昨見言者論罷韓曉。臣知林蕤陰遣其家屬未行在。納短卷於臺諫。臣方欲再開陳。今陛下批出。可謂明見萬里之外。陳俊卿奏曰。近日此風頗盛。惟其巧造語言。以陰中傷。是使監司不敢按郡守。郡守不敢按縣官。臣嘗見之。上曰。此風誠不可長。朕方欲手教戒諭臺諫。六年五月四日。御史臺狀。依指揮條具併省吏額。前司舊額主管班次五人。已經裁減三人。今止以二人為額。正副引贊官舊額管二人。今乞依舊八品。知班舊額管三人。今乞依舊。知班舊額管六人。欲乞止以五人為額。候有闕補。書今史舊額管九

人。已經裁減四人。今史省減一名。驅使官舊額管十人。已經裁減五人。今史省減一名。法司一名。今乞依舊。前司共以二十三人為額。六察舊額管書吏一十三人。今乞以九人為額。舊額管貼司一十人。今乞止以五人為額。舊額管通引官五人。今乞止以三人為額。理檢院舊額管手分二名。本臺已申朝廷。乞將一名撥送諫院。見管一名。今乞省減。其所掌行遺文字。欲併入刑案。兼管後推舊額管七人。今乞止以五人為額。詔依將來見闕日。依名次撥填其減下人。額依條比換名目者聽。二十八日。詔舊制設兩省言路之臣。所以指陳政令得失。給舍則正於未然之前。臺諫則投於已然之後。故天下事無不理。今任是官者。往往以封駁章疏太頻。憚於論列。深未盡善。自今後。給舍臺諫。凡封駁章疏之外。雖事之至微。亦毋致。少。有未當。可史隨時詳具奏聞。務正天下之事。九年五月十六日。詔在外臣僚。召赴行在。或令赴行在。奏事。被旨日久。往往遷延。間有托故稽留。起發。今御史臺覺察以聞。九月二十日。御史臺狀。本臺前司所掌事務。非輕全藉慣熟。諳練儀範。舊人應奉。其引贊官。依條年滿出職。解發赴部。擬官。詔依已降指揮。存留充主管班次。三年滿日。從上備。那赴部。注授差遣。昨來紹興七年。指揮內引贊官。候年滿出職了日。存留充主管班次。不妨

永樂大典

卷二六〇七

赴部注授差遣令欲乞行見今主管班次并日後引贊官出職補官人先
次赴部注授差遣計却依元降指揮存留充主管班次候三年滿日備那
離臺如注授差遣後未滿三年倘因應赴亦合離臺施行從之 十二月
三日御史臺狀檢準御史臺格戶察貼司三人本臺節次承指揮裁減貼
司二名外目今戶察只有貼司一名獎勵本臺日受詞狀多是爭訟婚田
事屬戶察行遣及本臺所轄戶部五司倉場庫務五十餘處逐時取索點
檢事務繁劇貼司一名支指書寫不及乞以二人為額庶幾職事不致妨
廢從之以上乾道會典 淳熙三年八月三日詔御史臺六察官近日糾
察庶務各揚其職臺綱益振各持轉兩官俸并所屬官判並四年七月十
七日敕令所上重修淳熙編類御史彈奏格三百五條詔頒行先是御史
臺言覈察彈劾事件前後累降指揮經今歲又各件數多文辭繁冗又有
止存事目別無可攷竊恐奉行抵牾乞下敕令所剛修成法各隨事以六
察御史察所掌分成門類繳申取旨降下本臺遵守批下本所至是止之
五年正月二十一日詔御史臺六察自今如有違戾去處許隨事具實
狀彈劾仍許命訪聞覺察聞奏 六月二十一日詔翰林學士諫議大夫
給事中中書舍人各舉堪任監察御史二人以備推用 七年十月十六

永樂大典卷二六〇七

十七

日詔監察御史張大經察到諸路刑獄奏報淹延未決者至一百六十餘
件當以奏狀付可外今所司勾銷未結絕者催促結絕大經既能舉職可
與轉兩官 八年八月十一日詔新權發遣舒州王簡兩經奏對鯁亮放
言朕甚嘉之雖不曾作殊可特除監察御史 十四年十月十四日詔御
史臺減前司有管乘贖利負五人六察看管乘贖利負三人既以司農少
卿吳煥議減冗食下敕令所裁定故有是命 十五年六月十一日詔冷
世光身居風憲囑託徇私可放罷既而以大理少卿秦樞言奉旨令本寺
勘通州百姓高楠訴冤居賢事却承御史臺姓閩人傳意本寺欲責出余
塚竊詳其人係的切干證竊恐上下觀望乞改授差遣奉旨將作監丞鄭
進就臨安府置院追王楫及姓閩人鞠實乃殿中侍御史冷世光閩大猷
蜀王楫云余塚是殿院親戚罪已該赦錢有下落可與責出知在故有是
命以上淳熙會典 淳熙十六年八月十三日奉敕進呈李信甫乞遵用
天禧熙寧故事許六察言之上曰祖宗前後典故甚明宜且遵守不可輕
易更變留正等奏六察臺格其在條目詳備若能舉職相事亦儘有可言
者誠如聖訓不必更變舊制 紹熙四年正月一日御史臺檢法官李謙
御史臺主簿彭龜年狀譙等昨從侍御史林大中奏辟入臺林大中既還

法合隨罷。今未侍御史張叔樞再行奏，得令依舊在任。緣大中所劾大理少卿米之瑞、四邪等事，謙等亦嘗與聞。今未大中既除職，與部郎是以當未所劾為非謙等碑贊無狀，豈得無罪？若再從辟入臺，是以碑贊無狀之人復誤憲府，乞與謙等一在外差遣。下御史臺別辟屬官，詔李謙除太常丞，彭龜年除司農寺丞。以上事命史。慶元二年四月二十七日，侍御史兼侍講黃黼言：竊惟御史臺有三院，其一為監察御史，列職甚衆，蓋使之糾正官邪，而分察六曹之務也。高宗之時，因嘗置六負矣。孝宗之朝，亦嘗治三負，臣以非才，濫司風憲，不曹敢辟臺屬，而分察之任止有胡紘、姚愈二人。訟訴之紛至，勸講之番直，點檢刑獄之中失，考校簿書之稽違，監董祠祭之不如儀，舉劾官吏之不奉法，分頭管幹，常有日不暇給之憂。乞更與增置一負，庶幾稍振臺綱，不敢闕誤。從之。六年十一月二十八日，臣僚言：御史臺紀綱之地，風憲之司，非特糾避官邪，維持國是，凡上而朝廷，下而百司庶府，外而監司州縣，一事之罷行，一民之休戚，所可以為據依，所得而稽考者，文書而已。今所至循習日久，應有文書不問繁慢，多是不報本臺，所置簿書無不詳備，事無大小，有報必錄，如人戶之詞訟，百官之御史，以至臺諫之言章，給舍之繳駁，監司守臣之按劾，凡命自上出。

永樂大典卷二千六百七

十八

事由下達，片紙到臺，皆有拘籍。近日以来，事多不報，報不以時。六察之中，惟存虛簿，事有罷行，民有休戚，不得而知。檢照在法，諸被受條制，限三日騰報三省樞密院。御史臺司書、判部、門下、中書、後省、樞密院、大理寺、左、右、台、推、判、刑、府、司、五十紙以上，五日即一時指揮準此，仍別為籍，節錄未書注之。仰惟祖宗立法，蓋如此其嚴且密，有萬世不刊之典，無恣意奉行之官吏。其視一臺，略無少憚。近者秋頌申明指揮，蓋七月內雕刊已就，及其到臺，凡四閱月，臺部相去無一里遠，稽違如此。乞詔申飭，使司各遵成憲，自今以往，遇有片紙文書，並照條限騰報。如仍前稽違，從本臺覺察，彈劾。所有入史重行斷罷。從之。嘉定四年九月二十八日，臣僚言：嘗考臺令參謝辭三者之文，最為詳備。今也不然，文武官之任者，多不赴臺參謝。御帶環衛、兩班等，除投轉官，並不赴臺參謝。其尊朝廷之意安在哉？且御史耳目之寄，凡官僚到部，必先赴臺視其言辭，議其能否，感其然。後就郡差注，安得先投差遣，臨歧出關，涉遠臺門，飄然徑去之理？又况有不赴臺參驗者乎？紀綱不肅，莫甚於此。乞申教中外，今後外官任滿到關，先須赴臺參，出給關子付之。以憑參部。所有在京除授及轉官，合赴臺謝或赴外任，亦合臺辭，並照例給關子付本官照應。從之。以上事命史。

世大典世祖皇帝建元中統。始置官府。立中書省以總百官。宣庶政。樞密院以統軍務。安邊鄙。內外百司。秩然有序。然耳目之司。未有攸寄。以爲革創之初。未遑舉行。至元五年。七月初四日。始立御史臺。秩從三品。有旨曰。今委塔察兒爲長行御史臺事。彈劾中書省樞密院制國用使司等。內外百官。姦邪非違。肅清風俗。劾磨諸司。乘贖。并監察祭祀及出使之事。該官七員。御史大夫一員。塔察兒從二品。中丞二員。鐵赤阿里從三品。侍御史二員。劉瑜美從五品。治書侍御史二員。高鳴張鵬翼從六品。典事二員。高祥馬有從七品。檢法二員。沈保張好退。獄丞一員。七年五月。改典事爲都事。十八年。添設中丞二員。十九年三月。省檢法獄丞。二十一年。陞正二品。大夫以從一品。散官爲之。中丞陞正三品。侍御史陞正五品。治書陞正六品。都事陞正七品。十月。添設蒙古都事一員。二十三年。詔書定省院臺類。設御史臺官七員。行臺官。二十七年三月。大夫月魯那演已下。品從各添一等。於是侍御史陞正四品。治書侍御史陞正五品。蒙古都事一員。改陞經歷。大德十一年。九月。陞從一品。御史大夫爲從一品。中丞爲正二品。侍御史爲從二品。治書侍御史爲正三品。經歷爲從五品。都事仍正七品。行臺官。皇慶元年。中丞三員。二年。減一員。臺官定爲八員。延祐四年。特奉

旨。後舊三員。至治二年五月。止設大夫一員。今定置臺官御史大夫二員。中丞二員。侍御史二員。治書侍御史二員。首領官經歷一員。都事二員。經歷一員。承發司管勾兼獄丞一員。架閣庫管勾兼承發司一員。至元五年。始置。十一年三月。爲本臺收支贓罰錢物。架閣文卷數多。增置管勾二員。內架閣庫同管勾一員。承發司管勾兼本臺獄丞一員。十二年三月。增置庫子一人。二十三年。又增置庫子一人。史屬掾史一十五人。至元五年。七月。始置。八年三月。增五人。十九年。省二人。皇慶元年七月。本臺改陞從一品。監察御史言請以今史改稱臺掾。部議改掾史。今定置一十五人。譯史四人。至元五年七月。始置。八年三月。增置蒙古必闡赤五人。省元置畏兀兒譯史十七人。三月。減蒙古必闡赤二人。二十三年四月。置回回今史。今省定置四人。知印二人。至元五年七月。始置。六年。增置一人。通事二人。至元五年七月。始置。宣使十人。至元初。置抄事。後廢。七年。置六人。十七年。增置四人。今定置十人。臺醫二人。蒙古書寫二人。典史六人。庫子二人。殿中司至元五年。七月。始置。秩正七品。後陞爲正四品。凡大朝會。百官班序。其失儀失列者。則糾罰之。在京百司官員到任。假告事。故出三日。不報者。則糾舉之。大臣入內奏事。則隨以入。凡不可與聞之人。則糾避之。殿中侍御史

二員。殿中司知班四人。至元七年始置。今定置四人。通事一人。至元七年始置。譯文一人。察院。至元五年七月始置。監察御史一十二員。秩正七品。悉以漢人為之。用王炳、李天輔、韓彥若、李祐、高從道、梁貞、楊之奇、孫公亮、段禮、王倬、王君佐、唐天英等充。八年三月增置六員。十九年三月省二員。十二月增置一十六員。初用蒙古人供任。刺舉之事。以哈馬、哈只牙、赤哈兒、澤也兀、連亦思、哈月、憐鐵木兒、昔里吉、思博、保字、樂勝、阿苦、春脫、孫沙的、塔本夫乞里、吉思伯顏等充。今定置監察御史三十二員。蒙古色目漢人參用。至元二十二年。御史中丞崔彥建言。內外臺監察御史。參用南儒二人。史屬書吏三十二人。至元五年始置。令史二人。八年增一人。十年以監察御史一十六員。止設司史三人。難於辦集。增九人。十二年改司史為書吏。增至十六人。二十年增置十六人。元史百官志。御史臺秩從一品。大夫二員。從一品。中丞二員。正二品。侍御史二員。從二品。治書侍御史二員。從二品。掌糾察百官善惡。政治得失。至元五年始立。臺建官設官七員。大夫從二品。中丞從三品。侍御史從五品。治書侍御史從六品。典事從七品。檢法二員。獄丞一員。七年改典事為都事。十九年罷檢法。獄丞。二十一年陞大夫為從一品。中丞為正三品。侍御史為正五品。治書為正六品。二十七

年大夫以下。品從各陞一等。始置經歷一員。大德十一年。陞中丞為正二品。侍御史為從二品。治書侍御史為正三品。皇慶元年。增中丞為三員。二年減一員。至治二年。大夫一員。後定置御史大夫二員。中丞二員。侍御史二員。治書侍御史二員。品秩如上。經歷一員。從五品。都事二員。正七品。照磨一員。正八品。承發管勾兼獄丞一員。正八品。架閣庫管勾兼承發一員。正九品。掾史一十五人。譯史四人。知印二人。通事二人。宣使十人。臺醫二人。蒙古書寫二人。典史六人。庫子二人。其屬有二。殿中司。殿中侍御史二員。正四品。至元五年始置。秩正七品。後陞正四品。凡大朝會。百官班序。其失儀失制。則糾罰之。在京百官到任。假告事故。出三日不報者。則糾舉之。大臣入內奏事。則隨以八。凡不可與聞之人。則糾避之。知班四人。通事譯史各一人。察院秩正七品。監察御史三十二員。司耳目之寄。任刺舉之事。至元五年始置。御史十一員。悉以漢人為之。八年增置六員。十九年增置一十六員。始參用蒙古人為之。至元二十二年。參用南儒二人。書史三十二人。內道八人。山東東西道。濟南路置司。河東山西道。冀寧路置司。燕南河北道。真定路置司。江北海南道。汴梁路置司。山南江北海北道。中興路置司。淮西江北海北道。廬州路置司。江北海北道。揚州路置司。山北遼東道。大寧路置

永樂大典

卷二六〇七

司 江南諸道行御史臺設官品秩同內臺至元十四年始置江南行御史臺于揚州尋徙杭州又徙江州二十三年遷于建康以監臨東南諸省統制各道憲司而總諸內臺初置大夫中丞侍御史治書侍御史各一員統淮東淮西湖北湖東湖西江東江西湖南八道拱別按察司十五年增江南湖北嶺南廣西福建廣東三道二十三年以淮東淮西山西南三道撥隸內臺三十年增海北海南一道大德元年定為江南諸道行御史臺設官九員以監江浙江西湖廣三省統江東江西湖東湖西湖南湖北廣西廣西福建海南十道大夫一員中丞二員侍御史二員治書侍御史二員經歷一員都事二員照磨一員架閣庫管勾一員承發司管勾兼獄丞一員令史一十六人譯史四人四回掾史通事知印各二人宣使十人典史庫子臺醫各有差察院品秩如內察院至元十四年置監察御史十員二十三年增蒙古御史十四員書史十四員又增漢人御史四員書史四人後定置御史二十八員書史二十八員江南十道江東建康道寧國路置司江西湖東道龍興路置司江南浙西道杭州路置司湖東海右道婺州路置司江南湖北道武昌路置司嶺北湖南道天臨路置司嶺南廣西道靜江府置司海北廣東道廣州路置司海北海南道雷州路置司福建閩

永樂大典卷二千六百七

二十一

海道福州路置司經世大典至元十四年始置江南行御史臺建臺於揚州後遷建康以監臨東南諸省統制各道憲司而總諸內臺其品秩職守則如之初置大夫一員以相我為中丞一員侍御史一員治書侍御史一員都事二員承發管勾兼獄丞一員架閣管勾一員令史十八人蒙古必闌赤三人通事知印各二人宣使十人統江北淮東淮西江北山南湖北浙東海右江南浙西江東建康江西湖東嶺北湖南八道提刑按察司十五年增置江南湖北嶺南廣西福建廣東二十二年改福建廣東為福建閩海矣二十三年制定省臺官員額本臺增侍御史一員是年以淮東淮西山南三道撥隸內臺二十五年初置回回令史一人三十年別立海北海南道割濱海之舊隸廣西者十郡隸焉時已改提刑按察司為肅政廉訪司元貞元年以江州平章阿老瓦丁為添設大夫後不置員本臺品秩由始置此再陞至從一品事見內臺篇大德元年七月建康行臺為江南諸道行御史臺置大夫二員中丞侍御史治書侍御史各二員經歷一員都事二員其屬架閣庫管勾承發司管勾兼獄丞各置一員而察院隸焉監江浙江西湖廣三省統江東江西湖東湖西湖南湖北廣東廣西福建海南十道臺官大夫一員中丞二員侍御史二員治書侍御史二員首領

官經整一負都事二負照磨一員架閣庫管勾一員承發管勾兼獄丞一員吏屬掾史十六人詳史四人回回掾史二人通事二人知印二人宣使十人典史庫子三人臺醫一人察院至元十四年初置品職如內察院置監察御史十員書史十員二十三年增蒙古御史十四員書史十四員後又增漢人御史四員增書史四人今置監察御史二十八員書史亦如其數 陝西諸道行御史臺設官品秩同內臺至元二十七年始置雲南諸路行御史臺官止四員大德元年移雲南行臺於京兆為陝西行臺而雲南改立廉訪司延祐元年罷二年復立統漢中龍北四川雲南四道定置大夫一員御史中丞二員侍御史二員治書侍御史二員經歷一員都事二員照磨一員架閣庫管勾一員承發管勾兼獄丞一員掾史一十二人蒙古必闌赤二人回回掾史一人通事二人知印一人宣使十人典史五人庫子二人察院品秩同內察院監察御史二十員書史二十八人陝西四道陝西漢中道鳳翔府置司河內隴北道甘州路置司西蜀四川道成都路置司雲南諸路道中慶路置司至元二十七年始置雲南諸路行御史臺先以按察司按部哈剌章之地至是以雲南置省而以按察司臨之於事輕重大宜慮無以節制之乃置行臺而官止四人不備員二十八年

永樂大典卷二千六百七

二十二

為其地語言文字不通中國准設費白譯史以達其俗大德元年四月以甘肅陝西兩行省所部邊遠諸王駙馬在焉錢糧供億甚重移雲南行臺於京兆為陝西行臺而雲南置立廉訪司延祐元年罷行臺二年鐵木迭兒奏世祖皇帝以西邊要地故立行臺今罷之於民不便後立行御史臺罷臺時陝西漢中廉訪司自鳳翔移治陝西臺徙遷治鳳翔今定置臺官大夫一員御史中丞二員侍御史二員治書侍御史二員首領官經歷一員都事二員照磨一員架閣庫管勾一員承發管勾兼獄丞一員吏屬掾史一十二人蒙古必闌赤二人回回掾史一人通事二人知印一人宣使十人典史五人庫子二人察院監察御史二十員書史二十八人行御史臺至正十六年九月二十八日命太尉納麟為江南諸道行御史臺御史大夫以次官員各依等第選用是日御史臺奉旨移置行臺于紹興十二月合臺官屬開臺署事是年置河南廉訪司于沂州十八年御史臺奏准江西湖東道肅政廉訪司權於建寧路開司署事二十二年九月權置山北廉訪司于惠州二十三年六月濟南路復置肅政廉訪司二十五年閏十月御史大夫完者帖木兒奏江南諸道行御史臺衙門寄奉旨於紹興路開說近因道梗湖南湖北廣東廣西海北江西福建等處凡有文書北至

